

廣東攷古輯要卷二十七

祀典

秦

始皇三十七年上會稽祭大禹望於南海

史記秦始皇本紀

隋

開皇十四年閏十月詔東海於會稽縣界南海於南海鎮並近海立祠及四瀆吳山並取側近巫一人知灑掃並命多樹松柏

隋書禮儀志

祭南海於廣州界邊豆各十簋簋各二俎各二

通典

唐

武德貞觀之制五嶽四鎮四海年別一祭各以五郊迎氣日祭之南海祭於廣州其性用太牢祀官以當界都督刺史充

文獻

廣東攷古輯要

卷二十六

祀典

通考

開元禮諸嶽鎮海瀆每年一祭前祭五日諸祭官各散齋三日致齋二日前一日嶽令瀆令清掃內外為埒於壇王地海瀆則埒內為壇高丈四尺皆為陛

大寶十載封南海為廣利王

俱同上 按全唐文內有册祭廣利王紀

元宗朝令太常少卿張九齡祭南嶽及南海

唐元宗紀

南漢

乾亨元年封峻靈山為峻靈王儋州昌化縣山為鎮海廣德王

十國春秋南漢太祖本紀

宋

開寶五年詔自合嶽瀆並東海南海廟各以本縣令兼廟令職

兼廟丞專掌祀事

文獻通考



仁宗康定元年詔封南海為洪聖廣利王皇祐五年以儂智高

遁益封南海洪聖廣利招順王

按文獻通考作康定二年儂智高反加封招順王杜佑通

典作慶歷二年

熙寧九年正月庚辰遣使祭南嶽南海告以南伐

宋史神宗本紀

秘書監李至言按五郊迎氣之日皆祭逐方嶽鎮海瀆自兵亂

後有不在封域者遂闕其祭國家克復四方間雖奉詔特祭

未著常祀望遵舊禮就迎氣日各祭於所隸之州長吏以次

為獻官其後立夏日祀南海於廣州

宋史禮志

廣南平遣司農少卿李繼芳祭南海除去劉鋹所封偽號及宮

名易以一品服

同上

元祐三年廣南經畧司言儂寇之亂康州趙師旦封州曹觀邕

州蘇緘戰死請為立祠載祀典從之

文獻通考

廣東攷古輯要

卷二十六

祀典

二

元祐七年詔賜唐韓愈潮州廟為昌黎伯

政和三年諸嶽鎮海瀆年別一祭以祭五帝日祭之南海於廣

州界

政和三年賜連州漢伏波將軍路博德廟為忠勇

乾道五年太常少卿林栗言自度江以後惟南海廣利王廟歲

降御書祝文令廣州行禮並紹興七年加封至八字王爵

俱同上

元

至元二十八年二月封南海神為廣利靈孚王

閩復加封五嶽四瀆四海詔

明

洪武元年七月南海賊馮簡等作亂邑人關敏倡義擊賊死之

上以敏生未授官而能仗義討賊沒於王事特贈敦武校尉



兵馬司副指揮表其鄉曰忠義立祠祀之明典

洪武三年六月定嶽鎮海濱諸神號詔稱南海為南海之神

洪武二十一年正月韶州知府王世安奏請修唐賢相張九齡

宋名臣余靖祠從之俱同上

憲宗祀崖山祀張世傑陸秀夫明史禮志

成化二十年命有司歲祭廣東巡撫都御史楊信民明典

宏治十三年八月廣東僉事徐紘奏乞祀宋楊太后於大忠祠從之

正德十年二月廣東巡按御史高公韶言韶州故有唐相張九齡祠景泰中用給事中白瑩言以唐韶州刺史鄧文進宋邕州推官譚必國朝永豐令鄧禹俱附祠配享竊考九齡子拯為伊闕令時安祿山陷河雒拯不受偽官忠義著聞而獨見

廣東攷古輯要卷二十六 祀典 三

遺似為缺典禮部議覆詔曰如拯可謂不愧其父其令從祀俱同上

萬曆十二年以陳獻章胡居仁王守仁從祀明史禮志